

*Comune di Cabras*

*Provincia di Oristano*



*Comuni de Crabas*

*Provincia de Aristanis*

**AVISU**  
**ABERTURA ISCRITZIONIS SERVÌTZIU ASILU NIU**  
**ANNU EDUCATIVU 2020/2021**

**Si fait sciri ca de su 14 de trèulas de su 2020 funt abertas is iscritzionis a su servìtziu Asilu Niu Comunali, po is pipieddus de 3 mesis finas a is 3 annus.**

**Is rechestas de iscritzioni ant a depi arribai in Comuni** a litera arracumandada o intregadas a su Protocolu de su Comuni ponendi-ddas in su logu apostu me in is diis movendi de lunis e finas a cenàbura, de is 10 de mangianu a is mesudii, o sinuncas mandadas a posta eletrònica certificada a s'indiriztu [protocollo@pec.comune.cabras.or.it](mailto:protocollo@pec.comune.cabras.or.it) a marolla aintru de su 24 de trèulas de su 2020.

Is mòdulus po fai rechesta funt a disponimentu in: s'esponidori postu a s'intrada de su comuni in pratza de Eleonora 1, de su lunis a sa cenàbura de is 10 de mangianu a mesudii; s'Informacomunidad, bia de Matteotti (a faci de is campus sportivus), su lunis, mèrcuris, giòbia e cenàbura de is 9 oras de mangianu a is mesudii, su lunis, martis, mèrcuris, cenàbura, de is 4 a is 7 de merii, aici etotu si podint scarrigai de su situ istituzionali [www.comune.cabras.or.it](http://www.comune.cabras.or.it), setzioni avisus. Su servìtziu Sotzialis at a fai una **graduatòria de ammissioni**, segundu a is critèrius chi ddui funt in su Regulamentu Asilu Niu, cunforma a is postus efetivus chi s'ant a libertai. Sa graduatòria s'at a publicai aintru de sa dii 29 de trèulas de su 2020.

Acontessendi arrecursus, tocat de ddui fai arribai aintru de sa dii 03 de austu de su 2020, aintru de mesudii.

Sa graduatòria definitiva s'at a pigai in càrrigu e publicai apustis de ai castiau is arrecursus simmai fatus.

**Si arregordat ca**, cunforma a su Decretu Lei n.73 de su 7 de làmpadas de su 2017 aici comentis dd'at mudau sa Lei de cunversioni 31 de trèulas de su 2017, n.119, **po s'ammissioni a frequentai su Servìtziu tocat chi siant in arrègula totu is òbrigus vacinalis de su/sa pipiu/a.**

Po custu, a s'ora de acetai su Servìtziu, sa famillia at a depi intregai totu is documentus apostu. Si ponit a craru ca, po nexi de s'apretu Covid-19, su sètiu chi cuncordat su Servìtziu at a podi mudai cunforma a disponimentus natzionalis o regionalis, chi, acontessendi, s'ant a fai sciri a manera futa.

Po ndi sciri de prus cuntatai s'Ufìtziu Amministrativu - tel. 0783/397253 o sinuncas tel. 0783/397254.

Crabas, su 10 de trèulas de su 2020

F.au **S'Assessora a is Servìtzius Sotzialis**

Dot.ssa Alessandra Spanu

F.au **Sa Responsàbili de su Servìtziu**

Dot.ssa Maria Sofia Pippia